



■左起：林峯與楊茜堯派心，吳卓義則忍唔住笑。

## 吳卓義菊梓喬同場零交流

林峯前晚出席主演電影《九龍城寨之圍城》的明星優先場，老友吳卓義與楊茜堯昇面撐場。吳卓義坦言想跟林峯、楊茜堯重演經典作《大唐雙龍傳》，但他指林峯不肯，因對方自嘲年紀大，不想再拍當年的露股鏡頭。

# 林峯拒再露股 唔肯拍《大唐》



■吳卓義與菊梓喬分開前後排睇戲。

■胡子彤於新片打戲連場。

電影《九龍城寨之圍城》前晚在尖沙咀舉行明星好友場，除了演員林峯、胡子彤及張文傑出席，林峯堂妹林夏薇、好友吳卓義、楊茜堯、苗僑偉等亦到場支持。眾人拍照時應傳媒要求做派心動作，但由於不習慣，他們都一臉尷尬。之後吳卓義學林峯扮Chok，即被林峯取笑是「吳Chok義」，笑爆全場！

### 擔心女兒睇戲嚇親

林峯受訪時表示老婆張馨月與女兒不在港，又稱電影有不少打鬥場面，擔心女兒入場後會嚇親：「驚個女見到我俾人打會喊，通常女比較錫Daddy。」胡子彤亦稱沒有邀請家人睇戲，雖然姪仔姪女也想看，但因兩人年齡太小，覺得不適合。問到若票房好是否會派福利？林峯笑言：「老闆話事，自己係好員工，老細叫做乜就會做。」提到《九》片在內地預售票房一般，林峯表示只是剛剛開始，很多內地朋友看過宣

傳片後都覺得故事吸引，有信心靠口碑帶動票房。

楊茜堯表示很久沒入戲院，故今次丟低家人來捧場。提到2003年她跟林峯、吳卓義合演劇集《大唐雙龍傳》，楊茜堯表示很久沒跟吳卓義合作，3人合作機會更少。問到是否想再合作？楊茜堯笑言要睇緣分：「佢咁咁忙，我就得閒啲，我只係湊小朋友，我可以交界人湊。」吳卓義則笑言：「就算我同楊茜堯肯，林峯都唔肯！我曾經問過佢，想再合作《大唐雙龍傳》電影版或《大唐雙龍傳2》，因為想有作品畀粉絲回憶，但佢就話唔好搞，年紀大，唔可以再露（股）。」不過他透露年底可能跟林峯合演時裝劇，但詳情仍在洽談中，故不能透露太多。

另外，吳卓義的緋聞女友菊梓喬偕細妹到場睇戲，不過低調的她未有到記者區影相。進場後，她跟吳卓義的座位相隔一行，亦沒有任何交流。菊梓喬心情勁靚，見傳媒拍照時舉起勝利手勢。

## 69歲張雷 爆肌舉啞鈴

69歲資深演員張雷相隔17年再拍無綫劇《逆天奇案2》，問到為何願意再拍無綫劇？飾演賊王的他坦言被故事吸引：「監製同編審打電話畀我同我講故事，我聽完之後覺得幾好玩，咁咪應承拍兩集囉！」他於劇中半裸舉啞鈴，大晒鋼條身形，武打演員出身的他笑言Easy Job：「呢個角色真係啱晒我，又要有啲年紀，又要有啲動作戲，又要有文戲。」他分享Keep Fit之道，就是每日都會做運動：「食方面我都幾清淡，因為我食咗幾十年齋喇喇。」



■張雷實勿耄老。



## 祖兒 慳儉積穀防饑

天后容祖兒昨日以品牌大使身份出席銀行活動，她坦言對理財沒有概念，幸好多年來得媽媽幫手打理：「因為媽咪有時都劫，我同佢講不如請個人幫手，佢覺得自己一手一腳做會好啲，我唔想佢咁辛苦，花咗好長時間說服佢，交界專業團隊處理。」談到容媽媽投資及理財有道，問祖兒擁有多少個物業？她避談：「都係嗰啲，冇再買，依家樓市好緊張。（樓市跌咗，冇再買？）敵不動我不動，穩守崗位。（咁你有冇試過自己投資？我係盲拳打死老師傅，有時我會畀到啲好選擇媽咪，我係憑直覺，但係冇錯囉！（有冇試過損手？）有贏有輸，但唔多，唔會係慘烈。」祖兒自認慳儉，會積穀防饑：「我最大目標係照顧媽咪，提供舒適嘅生活畀佢，同理實現自己嘅夢想。經理人會覺得我成日都好緊張，反而阿Sa（蔡卓妍）就好輕鬆。」

另外，早前祖兒出席友人生日會，林青霞是賓客之一，祖兒開心表示：「我係第一次見佢，同佢傾咗一句，佢知我係乜水，好開心！佢話我唱歌好聽，又讚阿Sa演戲好。佢保養得好好，一身白色感覺好Cool。」



■搵錢力強的祖兒不會做「大花筒」。



## 劉德華啟動內地巡唱

劉德華昨日宣布舉行全新《今天...is the Day》巡迴演唱會，將走訪上海、廣州、北京、南京、杭州、深圳、成都和重慶八大內地城市。今次是他相隔10年回歸內地舞台，故歌迷都引頸以待。華仔以陽光帥氣造型拍宣傳海報，充滿朝氣，反映他當下的人生態度。他一直透過作品鼓勵人心，希望今次個唱令大家明白要珍惜每一個當下，都要開心自在過活。至於演唱會場次日期、開售日期等詳情將盡快公布，歌迷敬請期待。

■華仔相隔10年回歸內地舞台。